



UMagezi uqalisa ukubetha igubu lakhe elimnyama namhlophe.



Abantwana bayaqokelelana bamngqonge.

Bacula kunye negubu.



Bacula besithi, “Kanti uMasigitani lo utshate nabani?
Utshate noMfanakuloni.”



Abafazi bayatyityimba xa besiva eli gubu.



Amadoda ayaxhentsa aphakamise iingalo amise iminwe ebonisa inani leenkomo zawo.



UMudungwazi ugungquzisa amehlo enze umxhentso wakhe ohlekisayo.



Amadoda akhulileyo abetha imilozi aze ageqezise iintloko zawo kwisandi segubu.



Abafazi abakhulileyo batshikizelisa izinqe zabo baze bayiyizele.

Wonke umntu uyakonwabela ukubethwa kwegubu likaMagezi.